

T 5237.48/0333

24

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY

NOV 1 1957

書

王建詩集卷第五

律詩六十一首

杜中丞書院新移小竹

此地本無竹遠從山寺移
經年求養法隔日記
堯時嫩綠卷新葉
殘黃收故枝色經寒不動聲
與靜相宜愛護出常數
稀稠看自知貧家緣未
有客散獨行遲

同于汝錫賞白牡丹

曉日花初吐春寒白未凝
月光裁不得蘇合點
難勝赤膩雲葉新鮮掩鶴膺
統心黃倒暈側

面紫重稜乍斂看如睡初開問欲應並香幽蕙
死比艷美人憎價數千金貴形相兩眼疼自知
顏色好愁被彩光凌

送人遊塞

初晴天墮絲晚色上春枝城下路分處邊頭人
去時停車數行日勸酒問回期亦是茫茫客還
從此別離

塞上逢故人

百戰一身在相逢白髮生何時得鄉信每日筭
歸程走馬登寒隴驅羊入廢城羌笳三兩曲人

醉海西營

南中

天南多鳥聲州縣半無城野市依蠻姓山村逐
水名瘴煙沙上起陰火雨中生獨有求珠客年
年入海行

汴路水驛

晚泊水邊驛柳塘初起風蛙鳴蒲葉下魚入稻
花中去舍已云遠問程猶向東近來多怨別不
與少年同

淮南使迴留別竇侍御

戀戀春恨結綿綿
淮草深病身愁至夜遠道畏
逢陰忽逐酒盃會暫同風景心從今一分散還
是曉枝禽

汴路即事

千里河煙直青槐夾岸長天涯同此路人語各
殊芳草市迎江貨津橋稅海商迴看故宮柳憔悴
不成行

山居

屋在瀑泉西茅房下有溪閉門留野鹿分食養
山雞桂熟長收子蘭生不作畦初開洞中路深

處轉松梯

醉後憶山中故人

花開草復秋雲水自悠悠因醉暫無事在生難
免愁遇晴須看月聞健且登樓暗想山中伴如
今盡白頭

送流人

見說長沙去無親亦共愁陰雲鬼門夜寒雨瘴
江秋水國山魈引蠻鄉洞主留漸看歸處遠垂
白住炎洲

貧居

眼底貧家計多時總莫嫌
蠹生騰藥篋字暗換
書籤避濕堆黃葉遮風下
黑簾近來身不健時
就六壬占

過趙居士擬置草堂處所

休師竹林北空可兩三間
雖愛獨居好終來相
伴閑猶嫌近前樹爲礙
看南山的有深耕處春
初須早還

新開望山處

新開望山處今朝減病眠
應移千里道猶自數
峯偏故欲遮春巷還來
遶暮天老夫行步弱免

到寺門前

題東華觀

路盡煙光外院門題上清
鶴雛虛解語瓊葉軟
無聲白髮道心熟黃衣
仙骨輕還歸對憂樂何
處覓長生

飯僧

別屋炊香飯薰辛不入家
瀘泉調葛麩淨手摘
藤花蒲鮓除青葉芹蘘帶
紫芽願師長伴食消
氣有薑茶

照鏡

忽自見憔悴壯年人亦疑髮綠多病落力爲不
行衰暖手揉雙目看圖引四肢老來真愛道所
恨覓還遲

歸昭應留別城中

喜得近京城官卑意亦榮並牀歡未定離室思
還生計拙偷閑住經過買日行知無自來分一
驛是遥程

荅寄芙蓉冠子

一學芙蓉葉初開映水幽雖經巧見手不稱老
夫頭枕上眠常戴風前醉恐柔明年有閨閣此

樣必難求

長安春遊

騎馬傍閑坊新衣著雨香桃花紅粉醉柳絮白
雲狂不覺愁春去何曾得日長牡丹相次發城
裏又須忙

冬夜感懷

晚年恩愛少耳目靜於僧竟夜不聞語空房惟
有燈氣噓寒被濕霜入破窻一作月照冷堦凝斷得人間
事長如此亦能

初到昭應呈同僚

白髮初爲吏有慚年少郎自知身上拙不稱世
間忙秋雨縣牆綠暮山宮樹黃同官若容許長
借老僧房

縣丞廳即事

宮殿半山上人家高下居古廳眠受魘老吏語
多虛雨水洗荒竹溪沙填廢渠聖朝收外府皆
自九天除

閑居即事

老病貪光景尋常不下簾妻愁耽酒癖人怪考
詩嚴小婢偷紅紙嬌兒弄白髯有時看舊卷未

免意中嫌

送吳郎中赴忠州

西臺復南省清白上天知家每因窮散官多爲
直移遙裝一作搖鞭過驛近買藥出城遲朝野憑人別
親情伴酒悲故園愁去後白髮想迴時何處忠
州界山頭卓望旗

照鏡

終日自纏繞此身無適緣萬愁生旅夜百病湊
衰年少睡憎明屋慵行待暖天癢頭梳有虱風
耳炙聞蟬換白方多錯迴金法不全家貧何所

癡時在老僧邊

林居

荒林四面通門在野田中
頑僕長如客貧居未
勝蓬舊綿衣不暖新草屋多風
惟去山南近閑
親販藥翁

原上新居十三首

新占原頭地本無山可歸
荒藤生葉晚老杏著
花稀屋舍近泥竈家人初飽
薇弟兄今四散何
日更相依

一家榆柳新四面遠無隣
人少愁聞病莊孤幸

得貧耕牛常願飽
樵僕每憐勤終日憂衣食何
由脫此身

長安無舊識百里是生涯
寂寞思逢客荒涼喜
見花訪僧求賤藥
埽馬中豪家乍得新
蔬菜朝
盤忽覺奢

雞鳴村舍遙花發亦蕭條
野竹初生笋溪田未
得苗家貧僮僕瘦
春冷菜蔬焦甘分長如此無
名在聖朝

春來梨棗盡啼哭
小兒飢隣富雞長去莊
貧客
漸稀借牛耕地晚
賣樹納錢遲
墻下當官路依

山補竹籬

自掃一閑房唯鋪獨卧牀野羹溪菜滑山紙水
苔香陳藥初和白新經未入黃近來心力少休
讀養生方

擬作讀經人空房置淨巾鎖茶藤篋密曝藥竹
牀新老病應隨業因緣不離身焚香向居士無
計出諸塵

移家住近村貧苦自安存細問梨果植遠求花
藥根倩人開廢井趁犢入新園長愛當山立黃
昏不閉門

和暖遶林行新貧足喜聲掃渠憂竹旱澆地引
蘭生山客憑栽樹家僮使入城門前粉壁上書
著縣官名

住處鍾鼓外免爭當路橋身閑時却困兒病向
來嬌雞睡日陽暖蜂一作蝶狂花艷燒長安足門戶

疊疊看登朝

近來年紀到世事總無心古碣憑人搨閑詩任
客吟送經還野院移石入幽林谷口春風惡梨
花蓋地深

嬾更學諸餘林中掃地居膩衣穿不洗白髮短

慵梳苦相常多淚勞生自悟虛閑行人事絕親
故亦無書

住處去山近傍園麋鹿行野桑穿井長荒竹過
墻生新識隣里面未諳村社情石田無力及賤
賃與人耕

送李評事使蜀

勸酒不依巡明朝萬里人轉江雲棧細近驛板
橋新石冷啼猿影松昏戲鹿塵少年爲客好況
是益州春

新修道居

世間無所入學道處新成兩面有山色六時聞
磬聲閑加經遍數老愛字分明若得離煩惱焚
香過一生

贈洪哲師

老僧真古畫閑坐語中聽識病方書聖諳山草
木靈人來多施藥願滿不持經相伴尋溪竹秋
苔襪履青

題法雲禪院僧

不剃頭多日禪來白髮長合村迎住寺同學乞
修房覺少持經力憂無養病糧上山猶得在自

解衲衣裳

贈溪翁

溪田借四隣不省解憂身看日和仙藥書符救
病人伴僧齋過夏中酒卧經旬應得丹砂一作力
春來黑髮新

謝李續主簿

館舍幸相近因風及病身一官雖隔水四韻是
同人衰卧朦朧曉貧居冷落春少年無不好莫
恨滿頭塵

寒食

田舍清明日家家出火遲白衫眠古巷紅索搭
高枝紗帶生難結銅釵重欲垂斬新衣踏盡還
似去年時

貽小尼師

新剃青頭髮生來未掃眉身輕禮拜穩心慢記
經遲喚起猶侵曉催齋已過時春晴階下立私
地弄花枝

惜歡

當歡須且歡過後買應難歲去停燈守花開把
火看狂來欺酒淺愁盡覺天寬次第頭皆白齊

年幾箇殘

山中惜花

愁看花漸稀
罪過酒醒遲
尋覓風來處
驚張夜落時
遊絲纏一作縈故蕊
宿葉守空枝
開取當軒一作溪

地年年樹底期

和武門下傷韋令孔雀

孤號秋閣陰
韋令在時禽
覓伴海山黑
思鄉橘樹深
舉頭聞舊曲
顧尾惜殘金
顛顛不飛去
重君池上心

題所賃宅牡丹花

賃宅得花饒
初開恐是妖
粉光深紫膩
肉色退紅嬌
且願風留著
惟愁日炙焦
可憐零落蕊
收取作香燒

隱者居

山人住處高
看日上蟠桃
雪縷青山脉
雲生白鶴毛
朱書護身呪
水喫斷邪刀
何物中一作堪長食
麻慢火熬

昭應官舍

繞聽春草合
知道縣家閑
行見雨遮院
卧看人上山
避風新浴後
請假未醒閒
朝客輕卑吏
從

他不往還

秋日送杜虔州

憶得宿新宅別來餘蕙香
初聞守遠郡一日臥
空牀野驛煙火濕
路人消息狂山樓添鼓角
村柵立旗槍
晚渚露荷敗早衙
風桂涼謝家章句
出江月少輝光

望行人

自從江樹秋月月望江樓
夢見離珠浦書來在
桂州不一作願同魚比目
終恨水分流久不開明鏡
多應是白頭

塞上二首

旌旗倒北風霜雪逐南鴻
夜救龍城急朝焚
帳空骨銷金鏃在
髮改玉關中尚想義軒代
無人尚戰功
漫漫復淒淒黃沙暮
漸迷人當故鄉
立馬過舊營
嘶斷鴈逢冰磧
回軍占雪溪
夜來山下哭
應是送降奚

送嚴大夫赴桂州

嶺頭分界堠一半屬湘潭
水驛門旗出山蠻洞
主參辟邪犀角重
解酒荔枝甘莫歎京華遠
安

南更在南

送鄭權尚書赴南海

七郡雙旗貴人皆不憶迴戍頭龍腦鋪關口象
牙堆物設熏爐出蠻辭晚節開市喧山賊破金
賤海船來白氎家家織紅蕉處處栽已將身報
國莫起望鄉臺

賞牡丹

此花名價別開艷益皇都香逼苓菱死紅燒躑
躑枯軟光籠細脉妖色暖鮮膚滿葉攢金粉含
稜縷絳蘇好和薰御服堪畫入宮圖晚態愁新

婦殘粧望病夫教人知箇數留容貴斯須一夜
輕風起千金買亦無

王建詩集卷第五

王建詩集卷第六

律詩三十首

寄杜侍御

何須服藥覓昇天
粉閣爲郎即是仙
買宅但幽從索價
栽松取活不爭錢
退朝寺裏尋荒塔
經宿城南看野泉
道氣清凝分曉爽
詩情冷瘦滴秋鮮
學通儒釋三千卷
身擁旌旗二十年
春巷偶過同戶飲
暖窻時語對牀眠
破除心力緣書癖
傷損花枝爲酒顛
今日總來歸聖代
一作總離軍馬地
丈人先達幸相憐

寄上韓愈侍郎

重登太學領儒流學浪詞鋒歷九州不以雄名
踈野賤唯將直氣折王侯詠傷松桂青山瘦取
盡珠璣碧海愁叙述異篇經一作詩總別鞭驅險句
最先投碑文合遣貞魂謝史筆應令諂骨羞清
俸探將還酒債黃金旋得起書樓客一作英來擬設
官人禮朝退多逢月閣遊見向雲泉求住處若
無知薦一生休

贈華州鄭大夫

此官出入鳳池頭通化門前第一州少華山雲

當驛起小敷溪水入城流空閑地內人初滿詞
訟牌前草漸稠報狀拆開知足兩赦書宜過喜
無囚自來不說雙旌貴恐替長教百姓愁公退
晚涼無一事一作吏散日步行携客上南樓

贈王樞密

一作中貴王樞
密守澄宗姪也

三朝行坐鎮相隨今上春宮見小時脫下御衣
先賜著進來龍馬每教騎長承密旨歸家少獨
奏邊機出殿遲自是姓同親向說九重爭得外
人知

早秋過龍武李將軍書齋

高樹蟬聲秋巷裏朱門冷靜似閑居重裝墨畫
數莖竹長著香薰一架書語笑侍兒知禮數吟
哦野客任狂踈就中愛讀英雄傳欲立功勲恐
不如

江陵即事

瘴雲梅雨不成泥十里津頭歷大堤蜀女下沙
迎水客巴童傍驛賣山雞寺多紅藥燒人眼地
足青苔染馬蹄夜半獨眠愁在遠北看歸路隔
蠻溪

題花子贈渭州陳判官

膩如雲母輕如粉艷勝香黃薄勝蟬點綠斜蒿
新葉嫩添紅石竹晚花鮮鴛鴦比翼人初帖蛺
蝶重飛樣未傳况復蕭郎有情思可憐春日鏡
臺前

送從姪擬赴江陵少尹

荊州少尹好閑官親故皆來勸自寬無事日長
貧不易有才年少屈終難沙頭欲買紅螺盞渡
口多呈白角盤應向章華臺下醉莫衝雲雨夜
深寒

華清感舊

塵到朝元邊使急千官夜發六龍迴輦前月照
羅衫浹馬上風吹臘燭灰公主粧樓金鎖澁貴
妃湯殿玉蓮開有時雲外聞天樂知是先皇沐
浴來

九仙公主舊莊

仙居五里外門西石路親迴御馬蹄天使來栽
宮裏樹羅衣自買院前溪野牛行傍澆花井本
主分將灌藥畦樓上鳳凰飛去後白雲紅葉屬
山雞

郭家溪亭

高亭望見長安樹春草岡西舊路斜光動綠煙
遮岸竹粉開紅艷塞溪花野泉聞洗親王馬古
柳曾停貴主車粧閣書樓傾側盡雲山新賣與
官家

題金家竹溪

少年因病離天仗乞得歸家自養身買斷竹溪
無別主散分泉水與新隣山頭鹿下長驚犬池
面魚行不怕人鄉使到來一作門常款語還聞世上
有功臣

題應聖觀

觀即李林甫舊宅

精思堂上畫三身迴作仙官度美人賜額御書
金字貴行香天樂羽衣新空廊鳥啄花輒縫小
殿蟲緣玉像塵頭白女冠猶說得薔薇英華作
枯株不似已前春

同于汝錫遊降聖觀

秦時桃樹滿山坡騎鹿先生降大羅路盡溪頭
逢地少門連內裏見天多荒泉壞簡朱砂暗古
塔殘經篆字訛聞說開元齋醮日曉移行漏帝
親過

逍遙翁溪亭

逍遙翁在此徘徊帝改溪名起石臺車馬到春
常借問子孫因選暫歸來稀疎野竹人移折零
落蕉花雨打開無主青山何所直賣供官稅不
如灰

尋李山人不遇

山客長須英華
作閑少在時溪中放鶴洞中碁生金有

氣尋還遠仙藥成窠見即移莫爲無家陪寺食
應緣將米寄人炊從頭石上留名去獨向南峯
問老師

題石甕寺

青崖白石夾城東，泉脉鍾聲內裏通。地壓龍蛇
山色別，屋連宮殿匠名同。簷燈經夏紗籠黑，溪
葉先秋臘樹紅。天子親題詩總在，畫屏長鎖碧
壁一作龕中。

早登西禪寺閣

上方臺殿第三層，朝壁紅窓日氣凝。煙霧開時
分遠寺，山川晴處見崇陵。沙灣漾水圖新粉，綠
野荒阡暈色繒。莫說城南月燈閣，自諸樓看總
難勝。

題江寺兼求藥子

隋朝舊寺楚江頭，深謝師僧引客遊。空賞野花
無過夜，若看琪樹即須秋。紅珠落地求誰與，青
角垂階自不收。願乞野人三兩粒，歸家將助小
庭幽。

題詵法師院

三年說戒龍宮裏，巡禮還來向水行。多愛貧窮
人遠請，長脩破落寺先成。秋天盆底新荷色，夜
地房前小竹聲。僧院不求諸處好，轉經唯有一
窓明。

酬于汝錫曉雪見寄

欲明天色白漫漫打葉穿簾雪未乾薄落階前
人踏盡差池樹裏鳥銜殘旋銷迎暖沾墻少斜
舞遮春到地難勞動更裁新樣綺紅燈一夜翦
刀寒

從軍後寄山中友人

愛仙無藥住溪貧脫却山衣事漢臣夜半聽雞
梳白髮天明走馬入紅塵村童近去嫌腥食野
鶴高飛避俗人勞動先生還相示別來弓箭不
離身

寄汴州令狐相公

三軍江口擁雙旌虎帳長開自教兵機鎖惡徒
狂寇盡恩驅老將壯心生水門向晚茶商鬧橋
市通宵酒客行秋日梁王池閣好新歌散入管
弦聲

別李贇侍御

同受艱難驃騎營半年中聽揭槍聲草頭送酒
驅村樂賊裏看花著探兵講易功夫尋已聖說
詩門戶別來情薦書自入無消息賣盡寒衣却
出城

和蔣學士新授章服

五色箱中絳服春笏花成就白魚新看宣賜處
驚迴眼著謝恩時便稱身瑞草唯承天上露紅
鸞不受世間塵翰林同賀文章出驚動茫茫下
界人

歲晚自感

人皆欲得長年少無那排門白髮催一向破除
愁不盡百方迴避老須來草堂未辦終須置松
樹難成亦且栽瀝酒願從今日後更逢三十度
花開

昭應官舍

癡頑終日羨人閑却喜因官得近山斜對寺樓
分寂寂遠從溪路借潺潺眇身多病唯親藥空
院無錢不要關文案把來看未會雖書一字甚
慙顏

寄舊山僧

因依老宿發心初半學脩心半讀書雪夜每常
同席卧花時未省兩山居獵人箭底求傷鴈釣
戶竿頭乞活魚一向風塵取煩惱不知衰病日
難除

武陵春日

尋春何事却悲涼春到他鄉憶故鄉秦女洞桃
歌澗碧楚王堤柳舞煙黃波濤入夢家山遠名
利關身客路長不似冥心叩塵寂玉編金軸有
仙方

寄分司張郎中

一別京華年歲久卷中多見嶺南詩聲名已歷
衆人上愁思未平雙鬢知江郡遷移猶遠地仙
宮榮寵是分司青天白日當頭上會有求閑不
得時

上陽宮

上陽花木不曾秋落水穿宮處處流畫閣紅樓
宮女笑玉簫金管路人愁幔城六澗橙花發玉
輦登山桂葉稠曾讀列仙王母傳九天未勝此
中遊

李處士故居

露濃煙重草萋萋樹映闌干柳拂隄一院落花
留客醉半窓殘月有鶯啼芳筵想像情難盡故
榭荒涼路欲迷風景滿前人自改却驚門外馬
頻嘶

贈賈島

盡日吟詩坐忍飢萬人中覓似君稀門當古巷
風偏入驢放秋原夜不歸迎暖併收新落葉欲
寒重著舊生衣曲江北岸時時到爲愛鷓鴣兩
翼飛

維陽冬末寄幙中二從事

江上數株桑棗樹自從離亂更荒涼那堪旅館
經殘臘祇把空書寄故鄉典盡客衣三尺雪鍊
精詩句一頭霜故人多在芙蓉幙應笑孜孜道
未光

王建詩集卷第六

王建詩集卷第七

律詩二十九首

上武元衡相公

旌旗坐鎮蜀江雄帝命重開舊閣崇褒貶唐書
天曆上捧持堯日慶雲中孤情迴出鸞皇遠健
思潛搜海岳空長得蕭何爲國相自西流水盡
朝宗

上張弘靖相公

傳封三世盡河東家占中條第一峯早歲天教
作霖雨明時帝用補山龍草開舊路沙痕在日

照新池鳳跡重卑散自知霄漢隔若爲門下賜
從容

上裴度舍人

小松雙對鳳池開履跡衣香逼上台天意皆從
彩豪出宸心盡向紫煙來非時玉案呈宣旨每
日金堦謝賜廻仙侶何因記名姓縣丞頭白走
塵埃

上杜元穎相公

學士金鑿殿後居天中行坐侍龍輿承恩不許
離牀謝密詔長教倚案書馬上喚遮紅背鴨船

頭看釣赤鱗魚閑曹散吏無相識猶記荊州拜
謁初

贈盧汀諫議

青娥不得在牀前空室焚香獨自眠功證詩篇
離景象藥成官位屬神仙閑過寺觀長衝夜立
送封章直上天近見蘭臺諸吏說御詩新集未
教傳

賀楊巨源博士拜虞部員外

合歸蘭署已多時上得金梯亦未遲兩省郎官
開道路九州山澤屬曹司諸生拜別收書卷舊

客看來讀制詞殘著幾九仙藥在分張還遣病
夫知

贈郭將軍

承恩新拜上將軍當直巡更近五雲天下表章
經院過官中語笑隔牆聞密封計策非時奏別
賜衣裳到處薰向晚臨堦看號簿眼前風景任
支分

贈田將軍

初從學院別先生便領偏師得戰名大小獨當
三百陣縱橫祇用五千兵迴殘匹帛歸天庫分

好旌旗入禁營自執金吾長上直蓬萊宮
巡更

贈胡江將軍

書生難得是金吾近日登科記總無半夜進儼
當玉殿未明排仗到銅壺朱牌面上分官契黃
紙頭邊押勅符恐要蕃中新道路指揮重畫五
城圖

村居即事

休看小字大書名向日持經眼却明時過無心
求富貴身閑不夢見公卿因尋寺裏薰辛斷自

別城中禮數生斜月照房新睡覺西峯半夜鶴
來聲

留別田尚書

擬報平生未殺身難離門館起居頗不看匣裏
釵頭古猶戀機中錦樣新一代甘爲漳岸老全
家却作杜陵人朝天路在驪山下專望紅旗拜
舊塵

送唐大夫罷節歸山

年少平戎老學仙表求骸骨乞生全不堪腰下
懸金印已向雲西寄玉田旄節抱歸官路上公

卿送到國門前人間雞犬同時去遙聽笙歌隔
水煙

送司空神童

杏花壇上授書時不廢中庭趁蝶飛暗寫五經
收部秩初年七歲著衫衣秋堂白髮先生別古
巷青襟舊伴歸獨向鳳城持薦表萬人叢裏有
光輝

送振武張尚書

迴天轉地是將軍扶冊春宮上五雲撫背恩雖
同骨肉擁旄名未敵功勳盡收壯勇填兵數不

王建集七
四
向蕃渾奪馬羣閑即單于臺下獵威聲直到海
西聞

送吳諫議上饒州

鄱陽太守是真人琴在牀頭錄在身曾向先皇
邊諫事還應上帝處稱臣養生自有年支藥稅
戶應停月進銀淨掃水堂無侍女下衙唯共鶴
殷勤

贈閻少保

髭鬚雖白體輕健九十三來却少年問事愛知
天寶裏識人皆是武皇前玉裝劍珮身長帶綰

寫方書子不傳侍女常時教合藥亦聞私地學
求仙

送魏州李相公

百代功勳一日成三年五度換雙旌閑來不對
人論戰難處長先自請行旗下可聞誅敗將陣
頭多是用降兵當朝面受新恩去筭料妖星不
敢生

贈索暹將軍

渾身著箭瘢猶在萬槊千刀總過來輪劍直衝
生馬隊抽旗旋踏死人堆聞休鬪戰心還癢見

說煙塵眼即開淚滴先皇堦下土南衙班裏赴朝迴

贈王屋道士赴詔

玉皇符到下天壇玳瑁頭簪白角冠鶴遣院中童子養鹿憑山下老人看法成不怕刀梯利體實常欺石榻寒能斷世間腥血味長生只要一丸丹

贈王處士

松樹當軒雪滿池青山掩障碧紗帷鼠來案下長偷水鶴在牀前亦看碁道士寫將行氣法家

童授與步虛詞世間有似君應少便乞從今作我師

洛中張籍新居

最是城中閑靜處更迴門向寺前開雲山且喜重重見親故應須得得來借倩學生排藥合留連處士乞松栽自君移到無多日墻上人名滿綠苔

題裴處士碧虛溪居

鳥聲真似深山裏平地人間也不同春圃紫芹長卓卓暖泉青草一叢叢松臺前後花皆別竹

王維集七
九
崦高低水盡通細問來時從近遠溪名載入縣
圖中

送阿史那將軍安西迎舊使靈輓

漢家都護邊頭沒舊將麻衣萬里迎陰地背行
山下火風天錯到磧西城單于送葬還垂淚部
曲招魂亦道名却入杜陵秋巷裏路人來去讀
銘旌

贈崔禮駙馬

鳳凰樓閣連宮樹天子崔郎自愛貧金埒減添
栽藥地玉鞭平與賣書人家中弦管聽常少分

外詩篇有即新一月一廻陪內宴馬蹄猶厭踏
香塵

贈太清盧道士

上清道士未昇天南岳中華作散仙書賣八分
通字學丹燒九轉定人年修行近日形如鶴導
引多時骨似綿想向諸山尋禮徧却廻還守老
君前

送宮人入道

休梳叢鬢洗紅粧頭戴芙蓉出未央弟子抄將
英華作留歌徧疊宮人分散舞衣裳問師初得經中字

入淨猶燒內裏香發願蓬萊見王母却歸人世
施仙方

上李吉甫相公

聖朝齊賀說逢殷霄漢無雲日月真金鼎調和
天膳美瑤池沐浴賜衣新兩河開地山川正四
海休兵造化仁曾向山東爲散吏當今竇憲是
賢臣

上李益庶子

紫煙樓閣碧紗亭上界詩仙獨自行竒險驅迴
還寂寞雲山經用始鮮明藕綃紋縷裁來滑鏡

水波濤瀨得清昏思願因秋露洗幸容階下禮
先生

題元郎中新宅

近移松樹初栽藥經帙書籤一切新鋪設暖房
迎道士支分閑院著醫人買來高石雖然貴入
得朱門未免貧雖有好詩名字出倍教年少損
心神

上建詩集卷第八

律詩二十一首

初授太府丞言懷

除書亦下屬微班
喚作官曹便不閑
檢按事多關市井
聽人言不在雲山
病童嗔著唯行慢
老馬鞭多轉放頑
此去仙宮無一里
遙看松樹衆家攀

贈李愬僕射

唐州將士死生同
盡逐雙旌舊鎮空
獨破淮西功業大
新除隴右世家雄
知時每笑論兵法
識

勢還輕立戰功次第各分茅土貴殊勲併在一
門中

書贈 渾二曹長

二年同在華清下入縣門中最近鄰替飲觥籌
知戶小助成書屋見家貧夜共茗臨散停分客朝
浴先廻各送人僮僕使來傳語熟至今行酒校
殷勤

上崔相公

枯桂衰蘭一徧春唯將道德定君臣施行聖澤
山川潤圖畫天文彩色新開閣覆看祥瑞曆封

名直進薜蘿人應憐漸老無知己自別溪中滿
鬢塵

寄楊十二祕書

初移古寺正南方靜是浮山遠是莊人定猶行
背街鼓月高還去打僧房新詩欲寫中朝滿舊
卷常抄外國將閑出天門醉騎馬可憐蓬閣祕
書郎

謝田贊善見寄

五侯三任未相稱頭白如絲作縣丞錯判符曹
羣吏笑亂書巖石一山憎自知酒病衰腸怯遙

怕春殘百鳥凌年少力生猶不敵況加顛頓悶
騰騰

晚秋病中

萬事風吹過耳輪貧兒活計亦曾聞偶逢新語
書紅葉難得閑人語白雲霜下野花渾著地寒
來溪鳥不成羣病多體痛無心力更被頭邊藥
氣薰

薛二十池亭

每箇樹邊消一日遶池行匝又須行異花多是
非時有好竹皆當要處生斜豎小橋看島勢遠
移山石作泉聲浮萍著岸風吹歇水面無塵晚
更清

故梁國公主池亭

平陽池館枕秦川門鎖南山一朵煙素柰花開
西子面綠榆枝散沈郎錢裝簷玳瑁隨風落傍
岸鷓鴣逐暖眠寂寞空餘歌舞地玉簫聲絕鳳
歸天

題柱國寺

皇帝施錢修此院半居天上半人間丹梯暗出
三重閣古像斜開一面山松柏自穿空地少川

原不稅小僧閑行香天使長相續早起離城日
午還

昭應官舍書事

縣在華清宮北面曉看樓殿正相當慶雲出處
依時報御果呈來每度嘗臘月近湯泉不凍夏
天臨渭屋多涼兩衙早被官拘束登閣巡溪亦
屬忙

昭應李郎中見貽佳作次韻奉酬

窻戶風涼四面開陶公愛晚上高臺中庭不熱
青山入野水初晴白鳥來精思道心緣境熟麤

疎文字見詩迴諸生圍遶新篇讀玉闕仙官少
此才

閑說

桃花百葉不成春鶴壽千年也未神秦隴州綠
鸚鵡貴王侯家爲牡丹貧歌頭舞徧迴迴別鬚
樣眉心日日新鼓動六街騎馬出相逢總是學
狂人

自傷

衰門海內幾多人滿眼公卿總不親四授官資
元七品再經婚娶尚單身圖書亦爲頻移盡兄

弟還因數散貧獨自在家常似客黃昏哭向野
田春

田侍中宴席

香薰羅幕暖成煙火照中庭燭滿筵整頓舞衣
呈玉腕動搖歌扇露金鈿青娥側座一作閑坐調雙管
彩鳳斜飛入五弦雖是沂公門下客爭將肉眼
看雲天一作神仙

寒食日看花

早入公門到夜歸不因寒食少閑時顛狂遶樹
猿離鎖跳躑緣岡馬斷羈酒污衣裳從客笑醉

饒言語覓花知老來自喜身無事仰面西園得
詠詩

和少府崔卿微雪早朝

蓬萊春雪曉猶殘點地成花遶百官已傍祥鸞
迷殿角還穿瑞草入袍襪無多白玉階前濕積
漸青松葉上乾粉畫南山稜郭出初晴一半隔
雲看

和胡將軍寓直

宮鴉棲定禁槍攢樓殿深嚴月色寒進狀直穿
金戟槩探更先傍玉鈎欄漏傳五點班初合鼓

王建集八
五
動三聲仗已端遙見正南宣不坐新栽松樹喚
人看

春日五門西望

百官朝下五門西塵起春風過御堤黃帕蓋鞍
呈了馬紅羅繫項鬮迴雞館松枝重一作宮
松葉重墻頭

出御柳條長水面齊唯有教方南草綠一作
色古苔

陰地冷淒淒

一作古城陰
冷又萋萋

長安早春

霏霏漠漠遶皇州銷雪欺寒不自由先向紅裝
添曉夢爭來白髮送新愁暖催衣上縫羅一作
人勝

晴報窻中點綵毬每度晴來還暗去今年須遣
蝶遮留

早春病中

日日春風階下起不吹光彩上寒株師教絳服
襖衰月妻許青衣侍病夫健羨人家多力子祈
求道士有神符世間方法從誰信卧處還看藥
草圖

王建詩集卷第八

王建詩集卷第九

絕句八十一首

御獵

青山直遶鳳城頭
漉水斜分入御溝
新教內人惟射鴨
長隨天子苑東遊

長門燭

秋夜牀前蠟燭微
銅壺滴盡曉鐘遲
殘花欲滅還吹著
年少宮人不睡時

過綺岫宮

東都永寧縣西五里

玉樓傾倒粉墻空
重疊青山遶故宮
武帝去來

羅袖盡野花黃蝶領春風

朝天詞十首寄上魏博田侍中

山川初展國圖寬未識龍顏坐不安風動白麟
旌節下過時天子御樓看

相感君臣總淚流恩深舞蹈不知休初從戰地
來無物惟奏新添十八州

催脩水殿宴沂公與別諸侯總不同隔月太常
先習樂金書牌燾彩雲中

無人敢奪在先籌天子門邊送與毬遙索綵箱
新樣錦內人昇出馬前頭

御馬牽來親自試珠毬到處玉蹄知殿前宣賜
連催上未解紅纓不敢騎

老作三公經獻壽臨時猶自語差池私從班裏
來長跪捧上金杯便合儀

四海無波乞放閑三封手疏犯龍顏他時若有
邊塵動不待天書自出山

馬悠悠未盡歸玉關猶隔吐蕃旗老臣一表
求高卧邊事從今欲問誰

威容難畫改頻眉目分毫恐不真有詔別圖
書閣上先教粉本定風神

重賜弓刀內宴回看人城外滿樓臺君臣不作
多時別收盡邊旗當日來

霓裳詞十首

弟子部中留一色聽風聽水作霓裳散聲未足
重來授直到牀前見上皇

自直梨園得出稀更番上曲不教歸一時跪拜
霓裳徹立地階前賜綵衣

勅賜官人澡浴迴遙看美女院門開一山星月
霓裳動好字先從殿後來

旋翻

一作自修

曲譜聲初起除却梨園未教人宣示書

不分手寫中官走馬賜功臣

傳呼法部按霓裳新得承恩別作行應正書如

樓上看內人昇出綵羅箱

伴教霓裳有貴妃從初直到曲成時日長耳裏
聞聲熱拍數分毫錯總知

中管五弦初半曲遙教合上隔簾聽一聲聲向
天頭落效得仙人夜唱經

弦索縱縱隔彩雲五更初發滿宮閒武皇目送
西王母新染霓裳日色裙

朝元閣上風初起夜聽霓裳玉露寒宮女月中

更替立黃金梯滑並行難

知向華清年月滿山頭山底種長生去時留下
霓裳曲總是離宮別館聲

宮前早春

酒幔高樓一日家宮前楊柳寺前花內園分得
溫湯水三月中旬已進瓜

奉同曾郎中題石甕寺得嵌韻

寺門連內遶丹巖下界雲開數過帆遙指上皇
翻曲處百官題字滿西嵌

舊宮人

先帝舊宮宮女在亂絲猶挂鳳凰釵霓裳法曲
渾拋却獨自花間掃玉階

贈人二首

金爐煙裏要班頭欲得歸山可自由每度報朝
愁入閣在先教示小千牛

多在蓬萊可在家越緋衫上有紅霞朝迴不向
諸餘處騎馬城西檢校花

樓前

天寶年前勤政樓每年三月作千秋飛龍老馬
曾教舞聞著音聲總舉頭

寄劉黃問疾

年少病多應爲酒誰家將息過今春
賒來半夏重煎盡投著山中舊主人

聽雨

半夜思家睡裏愁雨聲落落屋簷頭
照泥星出依前黑淹爛庭花不肯休

新晴

夏夜新晴星校少雨收殘水入天河
簷前著熱衣裳坐風冷渾無撲火蛾

秋日後

住處依山常足雨聞晴睽曝舊芳茵
立秋日後無多熱漸覺生衣不著身

哭孟東野二首

吟損秋天月不明蘭無香氣鶴無聲
自從東野先生死側近雲山得散行

老松臨死不生枝東野先生早哭兒
但是洛陽城裏客家傳一本杏殤詩

寄蜀中薛濤校書

萬里橋邊女校書枇杷花裏閉門居
掃眉才子知多少管領春風總不如

路中上田尚書

去婦何詞見六親手中刀尺不如人可憐池閣
秋風夜怨綠嬌紅一徧新

于主簿廳看花

小葉稠枝粉歷摧暖風吹動鶴翎開若無別事
爲留滯應便拋家宿看來

江樓對雨寄杜書記

竹煙花雨細相和看著閑書睡更多好事主人
無事日應持小酒按新歌

十五夜望月寄杜郎中

時會
琴客

中庭地白樹栖鴉冷露無聲濕桂花今夜月明
人盡望不知秋思在誰家

寄韋諫議

百年看似暫時閒白首求官亦未閑獨有龍門
韋諫議三微不起戀青山

花褐裘

對織芭蕉雨毳新長縫雙袖窄裁身到頭須向
邊城著殺秋風射獵塵

寄同州田長史

除聽好語耳常聾不見詩人眼底空莫恨出城

爲長史總緣山在白樓中

外按

夾城門向野田開白鹿非時出澗來日暮秦陵
塵土起從東外按使初回

夜看美人宮碁

宮碁布局不依經黑白相和子數停巡拾玉砂
天漢曉猶殘織女兩三星

冬至後招干秀才

日近山紅煖氣新一陽先入御溝春乘閑走馬
重來此沐浴明年稱意身

夜看揚州市

夜市千燈照碧雲高樓紅袖客紛紛如今不似
時平日猶自笙歌徹曉聞

觀蠻妓

欲說昭君斂翠蛾清聲委曲怨於歌誰家年少
春風裏拋與金錢唱好多

送顧非熊秀才歸丹陽

江城柳色海門煙欲到茅山始下船知道君家
當瀑布菖蒲潭在草堂前

老人歌

白髮老人垂淚行上皇生日出京城如今供奉
多新意錯唱當時一半聲

和元郎中從八月十一至十五夜玩月

五首

半秋初入中旬夜已向階前守月明從未圓時
看却好一分分見傍輪生

亂雲遮却臺東月不許教伊次第看莫爲詩家
先見境被他籠與作艱難

今夜月明勝昨夜新添桂樹近東枝立多地濕
昇牀坐看過墻西寸寸遲

月似圓來色漸凝玉盆盛水欲侵稜夜深盡放
家人睡直到天明不炷燈

合望月時常望月分明不得似今年仰頭五夜
風中立從未圓時直到圓

對酒

爲病比來渾斷絕綠花不見却知聞從來事事
關身少主領春風只在君

曉望華清宮

晚來樓閣更鮮明日出闌干見鹿行武帝自知
身不死看脩玉殿號長生

王建集九
贈李愬僕射二首

和雪翻營一夜行神旗凍定馬無聲遙看火號
連營赤知是先鋒已上城

旗旛四面下營稠手詔頻來老將憂每日城南
空挑戰不知生縛入唐州

秋夜對雨寄石甕寺二秀才

夜山秋雨滴空廊燈照堂前樹葉光對坐讀書
經卷後自披衣被掃僧房

華清宮前柳

楊柳宮前忽地春在先驚動探春人曉來惟欠

驪山雨洗却枝條綠上塵

別楊校書

從軍走馬十三年白髮營中聽早蟬故作老丞
身不避縣名昭應管山泉

和門下武相公春曉聞鶯

侵黑行飛一兩聲春寒轉小未分明若教更解
諸餘語應向宮花不惜情

田侍中歸鎮八首

去處常將決勝籌迴迴身在陣前頭賊從破後
先鋒入看著紅粧不敢收

熨帖朝衣拋戰袍
夔龍班裏侍中高
對時先奏牙門將
次第天恩與節旄

踏著家鄉馬脚輕
暮山秋色眼前明
老人上酒齊頭拜
得侍中來盡再生

功成誰不擁藩方
富貴還須是本鄉
萬里雙旌汾水上
玉鞭遙指白雲莊

鼓吹旛旗道兩邊
行男走女喜駢闐
舊交省得當時別
指點如今却少年

廣場破陣樂初休
彩畫纛高於百尺樓
老將氣雄爭起舞
管弦迴作大纏頭

成聲萬里動燕山
草白天清塞馬閑
觸處不如生處樂
可憐秋月照江關

將士請衣忘却貧
綠窻紅燭酒樓新
家家盡踏還鄉曲
明月街中不絕人

寄廣文張博士

春明門外作卑官
病友經年不得看
莫道長安近於日
昇天却易到城難

早春書情

漸老風光不著身
花蹊柳陌大家春
近來行到門前少
趁暖閑眠似病人

唐昌觀玉蕊花

一樹龍葱玉刻成，飄廊點地色輕輕。
女冠夜覓香來處，唯見階前碎月明。

眼病寄同官

天寒眼痛少心情，隔霧看人夜裏行。
年少往來常不住，墻西凍地馬蹄聲。

九日登叢臺

平原池閣在誰家，雙塔叢臺野菊花。
零落故宮無入路，西來澗水繞城斜。

題酸棗縣蔡中郎碑

蒼苔滿字土埋龜，風雨銷磨絕妙詞。
不向圖經中舊見，無人知是蔡邕碑。

江陵使至汝州

回看巴路在雲間，寒食離家麥熟還。
日暮數峯青似染，商人說是汝州山。

宮人斜

未央墻西青草路，宮人斜裏紅粧墓。
一邊載出一邊來，更衣不減尋常數。

春詞

良人早朝半夜起，櫻桃如珠露如水。
下當把火

送郎回移枕重眠曉窻裏

野池

野池水滿連秋隄菱花結實蒲葉齊川口雨晴
風復止蜻蜓上下魚東西

別曲

毒蛇在腸瘡滿背去年別家今別弟馬頭對哭
各東西天邊柳絮無根蒂

歸山莊

長安寄食半年餘重向人邊乞薦書山路獨歸
衝夜雪落斜騎馬避柴車

寒食憶歸

京中曹局無多事寒食貧兒要在家遮莫杏園
勝別處亦須歸看傍村花

題崔秀才里居

自知名出休呈卷愛去人家遠處居時復打門
無別事舖頭來索買殘書

酬柏侍御荅酒

茱萸酒法大家同好事盛來白椀中這度自知
顏色重不消詩裏弄溪翁

別藥欄

芍藥丁香手裏栽臨行一日繞千回外人應怪
難辭別總是山中自取來

長門

長門不定不求生燒却頭花卸却箏病卧玉窓
秋雨下遙聞別院送人聲

題渭亭

雲開遠水傍秋天沙岸蒲帆隔野煙一片蔡州
青草色日西鋪在古臺邊

喜過祥山館

夜過深山算驛程三回黑地聽泉聲自離軍馬

身輕健得向溪邊盡足行

雨中寄東溪韋處士

雨中溪破無乾地浸著牀頭濕著書一箇月來
山水隔不知茅屋若爲居

乞竹

乞取池西三兩竿房前栽著病時看亦知自惜
難判割猶勝橫根引出闌

人家看花

年少踈狂逐君馬去來憔悴到京華恨無閑地
栽仙藥長傍人家看好花

未央風

五更先起玉階東
漸入千門萬戶中
總向高樓吹舞袖
秋風還不及春風

送仙客

萬里潮州一逐臣
悠悠青草海邊春
天涯莫道無回日
上嶺還逢向北人

廢寺

廢寺亂來爲縣驛
荒松老柏不生煙
空廊屋漏畫僧盡
梁上猶書天寶年

題禪師房

浮生不住葉隨風
填海移山總是空
長向人間愁老病
誰來閑坐此房中

看石楠花

留得行人望却歸
雨中是石楠枝
明朝獨上銅臺路
客見花開少許時

長安縣後庭看畫

水凍橫橋冰滿池
新排石筍繞笆籬
縣門斜掩無人到
看畫雙雙白鷺鷥

贈趙侍御

年少同爲鄴下游
閑尋野寺醉登樓
別來衣馬

從勝舊爭向邊塵白滿頭

鑷白

總道老來無用處何須白髮在前生如今不用
偷年少拔却三莖又五莖

江館對雨

鳥聲愁雨是秋天病客愁家一向眠草閣門前
廣州路夜聞蠻語小江邊

雨過山村

雨裏雞鳴一兩家竹溪村路板橋斜婦姑相喚
浴蠶去閑看中庭梔子花

江陵道中

菱葉參差萍葉重新蒲半折夜來風江村水落
平地出溪畔魚船青草中

送人二首

嵩山古寺離家久回見溪橋野葉黃辛苦老師
看守處爲懸秋藥閉空房

山客狂來跨白驢袖中遺却潁陽書人間亦有
妻兒在拋却嵩陽古觀居

揚州尋張籍不見

別後知君在楚城揚州寺裏覓君名西江水闊

吳山遠却打船頭向北行

宿長安縣後齋

新向金階走罷兵長安縣裏遶池行
喜歡得伴山僧宿看雪吟詩直到明

留別張廣文

謝恩身入鳳凰城亂定相逢合眼明
千萬求方好消息杏花寒食約同人

送鄭山人歸山

玉作車轅蒲作輪當初不記潁陽人
一家總入嵩山去天子因何得諫臣

王戴荷傷墮水鳥

一鳥墮水百鳥啼相弔相號繞故隄
眼見行人車轍過不妨同伴各東西

余景文尋補闕舊宅

知得清明二十年登山上坂乞新篇
除書近拜侍臣宮院鳥啼風竹前

山店

登登山路何時盡泱泱溪泉到處聞
風動葉聲山犬吠一家松火隔秋雲

初冬旅遊

遠投人宿趁房遲
僮僕傷寒馬亦飢
為客悠悠十月盡
莊頭栽竹已過時

華嶽廟二首

女巫遮客買神盤
爭取琵琶廟裏彈
聞有馬蹄生柏樹
路人來去向南看

自移西嶽門長鎖
一箇行人一徧開
上廟參天今見在
夜頭風起覺神來

王建詩集卷第九

王建詩集卷第十

宮詞一百首

蓬萊正殿歷金鰲
紅日初生碧海濤
開著五門遙北望
柘黃新帕御牀高

殿前傳點各依班
召對西來八詔蠻
上得青花

龍尾道側身偷覷
正南山

龍煙日暖紫瞳瞳
宣政門當玉仗風
五刻閣前

卿相出下簾聲在
半天中

白玉窻中起草臣
櫻桃初赤賜嘗新
殿頭傳語

金階遠因進詞來
謝聖人

內人對御疊花牋繡坐移來玉案邊紅蠟光中
呈草本平明昇出閣門宣
千年仗下放朝初玉案傍邊立起居每日進來
金鳳紙殿頭無事不教書

延英引對碧衣郎江硯宣毫各別牀天子下簾
親考試官人手裏過茶湯

未明開著九重關金畫黃龍五色旛直到銀臺
排仗合聖人三殿對西番
少年天子重邊功親到凌煙畫閣中教覓勲臣
寫圖本長將殿裏作屏風

丹鳳樓門把火開五雲金輅下天來砌前走馬
人宣慰天子南郊一宿回

樓前立仗看宣赦萬歲聲長再拜齊日照綵盤
高百尺飛仙爭上取金雞

集賢殿裏圖書滿點勘頭邊御印同真蹟進來
依字數別收鎖在玉函中

秋殿清齋刻漏長紫微宮女夜燒香拜陵日到
公卿發鹵簿分頭入太常

新騎白馬怕鞭聲供奉騎來遶殿行爲報諸王
侵早起隔門催進打球名

王建集十
對御難爭第一籌殿前不打背身毬內人唱好
龜茲急天子鞘迴過玉樓

新衫一樣殿頭黃銀帶排方獺尾長總把金鞭
騎御馬綠鬃紅額麝香香

羅衫葉葉繡重重金鳳銀鷺各一叢每徧舞時
分兩向太平萬歲字當中

魚藻宮中鎖翠娥先皇行處不曾過如今池底
休鋪錦菱角雞頭積漸多

殿前明日中和節連夜瓊林散舞衣傳報所司
分蠟燭監開金鎖放人歸

五更三點索金車盡放宮人出看花仗下一時
催立馬殿頭先報內園家

城東北面望雲樓半下珠簾半上鈎騎馬行人
長遠過恐防天子在樓頭

射生宮女宿紅粧請得新弓各自張臨上馬時
齊賜酒男兒跪拜謝君王

新秋白兔大於拳紅耳霜毫趁草眠天子不教
人射殺玉鞭遮到馬蹄前

內鷹籠脫解紅條鬪勝爭飛出手高直上碧雲
還却下一雙金爪掬花毛

王建集十
三
競渡船頭掉綵旗兩邊濺水濕羅衣池東爭向
池西岸先到先書上字歸

燈前飛入玉階蟲天卧常聞半夜鍾看著中元
齋日到自盤金線繡真容

紅燈睡裏喚春雲雲上三更直宿分金砌雨來
行步滑兩人擡起隱花裙

一時起立吹簫管得寵人夾滿殿迎整頓衣裳
還著却舞頭當拍第三聲

琵琶先抹六么頭小管丁寧側調愁半夜美人
雙唱起一聲聲出鳳凰樓

春池日暖少風波花裏牽船水上歌遙索劍
新樣錦東宮先釣得魚多

十三初學擘箏篴弟子名中被點留昨日教坊
新進入並房宮女與梳頭

紅蠻捍撥帖曾前移坐當頭近御筵用力獨彈
金殿響鳳凰飛出四條弦

春風吹雨灑旗竿得出深宮不怕寒誇道自家
能走馬園中橫過覓人看

粟金腰帶象牙錐散插紅翎玉突枝旋獵一邊
還引馬歸來雞兔遶鞍垂

雲駁花驄各試行一般毛色一般纓殿前來往
重騎過欲得君王別賜名

每夜停燈熨御衣銀熏籠底火霏霏遙聽帳裏
君王覺上直鍾聲始得歸

因喫櫻桃病放歸三年著盡舊羅衣內中人識
從來去結得頭花上貴妃

欲迎天子看花去下得金階却悔行恐見失恩
人舊院回來憶著五弦聲

往來舊院不堪修教近宣徽別起樓閣有美人
新進入六宮未見一時愁

自誇歌舞勝諸人恨未承恩出內頻連夜宮中
修別院地衣簾額一時新

悶來無事可思量旋下金階旋下牀收得山丹
紅蕊粉窻中洗却麝香黃

蜂鬚蝶翅薄鬆鬆浮動搔頭似有風一度出時
拋一徧金條零落滿函中

合暗報來門鎖了夜深應別喚笙歌房房下著
珠簾睡月過金階白露多

御厨不食索時新每見花開即苦春白日卧多
嬌似病隔簾教喚女醫人

叢叢洗手遶金盆旋拭紅巾入殿門衆裏遙拋
新橘子在前收得便承恩
御池水色春來好處處分流白玉渠密奏君王
知入月喚人相伴洗裙裾
移來女樂部頭邊新賜花檀大五弦纒得紅羅
手帕子當心香畫一雙蟬

新晴草色綠溫暾山雪初銷漸水渾今日踏青
歸較晚傳聲留著望春門
兩樓新換珠簾額中尉明朝設內家一樣金盤
五十面紅酥點出牡丹花

盞送春毬出內家記巡傳把一枝花散時各自
燒紅燭相逐行歸不上車
家常愛著舊衣裳空插紅梳不作粧忽地下階
裙帶解非時應得見君王
別勅教歌不出房一聲一徧奏君王再三博士
留殘拍索向宣徽作徹章
行中第一爭先舞博士旁邊亦被欺忽覺管弦
偷破拍急翻羅袖不教知
私縫黃帔拾釵梳欲得金仙觀內居近被君王
知識字收來案上檢文書

月冷江清近臘時玉階金瓦雪澌澌浴堂門外
抄名入公王家人謝面脂山臚內吳並效王
未承恩澤一家愁乍到宮中憶外頭求守管弦
聲欵逐側商調裏唱伊州
東風潑火雨新休昇盡春泥掃雪溝走馬犢車
當御路漢陽公主進雞毬
風簾水閣歷芙蓉四面鈎欄在水中避熱不歸
金殿宿秋河織女夜粧紅
聖人生日明朝是私地先須屬內監自寫金花
紅榜子前頭先進鳳凰衫

避暑昭陽不擲盧井邊含水噴鴉雛內中數日
無呼喚捐得滕王蛟蝶圖

內宴初秋入二更殿前燈火一天明中宮傳旨
音聲散諸院門開觸處行

玉蟬金雀三層插翠髻高叢綠鬢虛舞處春風
吹落地歸來別賜一頭梳

樹葉初成鳥護窠石榴花裏笑聲多衆中遺却
金釵子拾得從他要贖羅

小殿初成粉未乾貴妃姊妹自來看爲逢好日
先移入續向街西索牡丹

內人相續報花開
準擬君王便看來
逢著五弦琴繡袋
宜春院裏按歌迴

巡吹慢徧不相和
暗數看誰曲較多
明日梨花園裏見
先須直得內家歌

黃金合裏盛紅雪
重結香羅四出花
一傍邊書勅字中官
送與大臣家

未明東上閣門開
排仗聲從後殿來
阿監兩邊相對立
遙聞索馬一時回

宮人早起笑相呼
不識階前掃地夫
乞與金錢爭借問
外頭還似此間無

小隨阿姑學吹笙
見好君王賜與名
夜拂玉牀朝把鏡
黃金殿下不教行

日高殿裏有香煙
萬歲聲來動九天
妃子院中初降誕
內人爭乞洗兒錢

宮花不共外花同
正月長先一半紅
供御櫻桃看守別
直無鴉鵲在園中

殿前鋪設兩邊樓
寒食宮人步打毬
一半走來爭跪拜
上棚先謝得頭籌

太儀前日暖房來
囑向昭陽乞藥栽
勅賜一窠紅躑躅
謝恩未了奏花開

御前新賜紫羅襦不下金階上軟輿官局總來
為喜樂院中新拜內尚書

鸚鵡誰教轉舌關內人手裏養來姦語多更覺
承恩澤數對君王憶隴山

分與閑坐賭櫻桃收却投壺玉腕勞各把沉香
雙陸子局中鬪累阿訶高

禁寺紅樓內裏通笙歌引駕夾城中裏頭官監
堂前玉手把牙鞘竹彈弓

春風院院落花心金鎖生木掣不開更築歌臺
起粧殿明朝先遣畫車來

舞來汗濕羅衣徹樓上人扶下玉梯歸到院中
重洗面金盆水裏潑銀泥

宿粧殘粉未明天總在昭陽花樹邊寒食內人
長白打庫中先散與金錢

衆中偏得君王笑偷把金箱筆硯開書破紅箋
隔子上旋催當直美人來

教徧宮娥唱盡詞暗中頭白没人知樓中日日
歌聲好不問從初學阿誰

青樓小婦砑裙長總被抄名入教坊春設殿前
多隊舞棚頭各別請衣裳

水中芹藻土中花拾得還將避衆家總待別人
般數盡袖中拈出鬱金芽
玉簫改調箏移柱催喚紅羅繡舞筵未戴柘枝
花帽子兩行宮監在簾前
窻窻戶戶院相當總有珠簾玳瑁牀雖道君王
不來宿帳中長是炷衙香
銀燭秋光冷畫屏輕羅小扇撲流螢天階夜色
涼如水卧看牽牛織女星
雨入珠簾滿殿涼避風新出玉盆湯內人恐要
秋衣著不住熏籠換好香

金吾除夜進儺名畫袴朱衣四隊行院院燒燈

如白日沉香火底坐吹笙

一作歸音擊

樹頭樹底覓殘紅一片西飛一片東自是桃花
貪結子錯交人恨五更風

金殿當頭紫閣重仙人掌上玉芙蓉太平天子

朝元日五色雲車駕六龍

日晚長秋簾外報望陵歌舞在明朝添爐欲熟
熏衣麝憶得分時不忍燒

日映西陵松柏枝下臺相顧一相悲朝來樂府
歌新曲唱著君王自作詞

淚盡羅巾夢不成夜深前殿按歌聲紅顏未老
恩先斷斜倚熏籠坐到明
新鷹初放兔初肥白日君王在內稀薄暮千門
臨欲鎖紅粧飛騎向前歸
黃金捍撥紫檀槽弦索初張調更高盡理昨來
新上曲內官簾外送櫻桃
鴛鴦瓦上瞥然聲畫寢宮娥夢裏驚元是我王
金彈子海棠花下打流鶯
寶仗平明金殿開暫將紈扇共徘徊玉顏不及
寒鴉色猶帶昭陽日影來

閑吹玉殿昭華管醉折梨園縹蒂花千年一夢
歸人世絳縷猶封繫臂紗

王建詩集卷第十

東山席氏悉欣來
本物云樊川書屋

東山... 卷... 麻...



關... 月...

... 寺... 官... 制... 以... 國... 境... 內... 一... 一...

